



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec

RAHOVEC / ORAHOVEC

Njësia Nr./Br./No 01 (Kuvendi i Komunës)

Nr./Br./No 01/23 Nr. i faq./Br.str./No.pg 19

Data/Datum/Date 28.02.2023

PROCESVERBAL

Nga mbledhja e rregullt e Kuvendit Komunal të Rahovecit, e mbajtur më **30.1.2023 (e hane)** me fillim në ora **10:00**. Mbledhjen e kryesoi Kryesuesi i Kuvendit z.**Defrim Kafexhiu**. Në fillim konstatoi se ka kuorum për mbajtjen e mbledhjes.

Kryesuesi – Fillimisht, përshëndetje për të gjithë. I nderuar Kryetar i Komunës z. **Smajl Latifi**, Nënkyetar i z. **Fatmir Iska**, të nderuar anëtarë të kuvendit komunal, drejtorë të drejtorive komunale, zyrtarë, përfaqësues të KFOR-it, media, të nderuar qytetarë të Komunës së Rahovecit, kjo është seanca e parë (1) për këtë vit kalendarik. Komiteti për Politikë dhe Financa në mbledhjen e mbajtur me 19 janar, për këtë seancë ka përgatitur këtë

REND DITE

1. Shqyrtimi dhe miratimi i procesverbalit nga mbledhja e kaluar;
2. Pyetjet dhe përgjigjet në pyetjet e kuvendarëve;
3. Shqyrtimi dhe miratimi i Planit të Veprimit për Transparencë Komunale 2023-2027;
4. Shqyrtimi dhe miratimi i Planit Komunal të Veprimit për të Zhvendosurit dhe Zgjidhje të Qëndrueshme në Komunën e Rahovecit;
5. Shqyrtimi Raportit Financiar për vitin 2022;
6. Shqyrtimi dhe miratimi i plotësim-ndryshimit të Rregullores për Taksa Komunale 01 Nr.80/20 të datës 28.06.2020, e ndryshuar dhe plotësuar me Rregulloren 01 Nr. 169/21 të datës 26.02.2021;
7. Shqyrtimi dhe miratimi i propozim-vendimit për shpalljen me interes të përgjithshëm publik P-01240-0 në zonën kadastrale Retijë;
8. Shqyrtimi i raporti për zbatimin e rekomandimeve të auditorit të përgjithshëm sipas Planit të Veprimit për vitin 2022;
9. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-05864-0;
10. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-07111-1;
11. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-00251-0;
12. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-03710-0;
13. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-03818-0 dhe P-03819-0;
14. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-02352-0;
15. Shqyrtimi i Raportit të Punës së Kuvendit për vitin 2022;
16. Shqyrtimi i Raportit të Punës të Këshillit të fshatit Hoçë e Madhe për vitin 2022;
17. Shqyrtimi i Informatës rreth aktiviteteve të KKSB-së për vitin 2022;
18. Shqyrtimi i Raportit të Punës së Komitetit për Komunitete për vitin 2022;

19. Shqyrtimi i Raportit të Punës së Komitetit për Shëndetësi dhe Përkujdesje Sociale për vitin 2022;
20. Shqyrtimi i Raportit të Punës së Komitetit për Arsimit për vitin 2022;

Kryesuesi – A ka ndonjë pyetje apo diçka të tillë, rreth rendit të ditës?... Nëse jo, atëherë po e vendosim në votim. Kush është për miratimin e rendit të ditës?... Me shumicë unanime miratohet rendi i ditës.

1. Shqyrtimi dhe miratimi i procesverbalit nga mbledhja e kaluar;

Kryesuesi – Dikush prej anëtarëve të kuvendit ka diçka për të thënë rreth procesverbalit të mbledhjes së kaluar?... Nëse jo, atëherë po e vendosim në votim, kush është “për”?... Me shumicë unanime miratohet edhe procesverbali i mbledhjes së kaluar.

2. Pyetjet dhe përgjigjet në pyetjet e kuvendarëve;

Burim Krasniqi – Faleminderit kryesues. Përshëndetje për kryetarin, nënkryetarin, ekzekutivin, asambleistët. Fillimisht, besova që kryesuesi do ta falënderoj secilin asambleistë për suksesin në performancë, sepse prej 48 indikatorëve, 23 prej tyre janë të asamblesë komunale. Në anën tjetër i kam dy çështje; Çështja e parë është rreth stadiumit të qytetit. Sipas informatave që i kam, ekziston një marrëveshje në mes FFK-së dhe Komunës së Rahovecit që të rregullohet stadiumi derisa mund të zhvillohen ndeshjet, e më pas të rregullohet çështja e fushës tjetër. FFK e ka bërë investimin e saj, Komuna e Rahovecit nuk e ka bërë. Është fjala për rrëzë dhe bari që duhet vendosur. Kur do të bëhet dhe sa i përket stadiumit desha ta pyes kryetarin për ndonjë lëvizje rreth çështjes së lokacionit diçka definitive, sepse gjatë takimit tonë të përfaqësuesve të partive politike dhe ministrin, në fund kemi arritur një dakordim në heshtje që të ecim tutje rreth një lokacioni të stadiumit dhe bashkarisht t'i japim zgjidhje çështjes së stadiumit të qytetit. Ne si LDK votojmë çdo herë për kur do të keni nevojë, në dakordim të plotë me sportistët dhe sportdashësit. Kam pasur shumë shqetësime rreth kompenzimit të bujqve dhe ekonomive familjare. Ka qenë një komision i komunës që e ka bërë një vlerësim të dëmit të vërshimeve, ka ankesa për laramani në kompenzim. Sa ka qenë vlerësimi i komisioneve të komunës për dëmet e shkaktuara?... Sa ka kompenzuar qeveria dhe sa komuna?... Në çoftëse nuk janë kompenzuar komplet, pse nuk janë kompenzuar?...

Edona Kryeziu – Përshëndetje kryesues, kryetar, të gjithë të pranishmit në këtë seancë. Një pyetje për drejtorin e arsimit në lidhje me shkollën fillore në Ratkoc. Ka të bëjë me gjendjen fizike të shkollës, për dritare. Informacionet që më kanë ardhur që disa dritare janë në gjendje të mjerueshme, kur do të rregullohen këto dritare?. Pyetje e dytë: Tualetet po në këtë shkollë kanë qenë në gjendje shumë të keqe, janë rinovuar pa proces tenderues dhe më intereson të jem në dijeni se si do të përfundohen pagesat dhe sipas jush kryetar, a është kjo shkelje ligjore?...

Sejfullah Sejfullahu – Faleminderit kryesues, përshëndetje për kryetarin, nënkryetarin, drejtorët, asambleistët. Kemi pak presion për dëmet e kompenzuara nga vërshimet, nëse ka ndonjë informatë drejtori i bujqësisë apo kryetari për këta të refuzuarit, a mund ta bëjnë ndonjë ankesëm, të paktën ta kemi një përgjigje për ata që na pyesin. E dyta, ka të bëjë rreth shkollës së Krushës, kur do të jetësohet?...

Lirigzon Kastrati – Faleminderit kryesues, të nderuar kolegë - anëtarë të kuvendit të komunës, ekzekutiv, qytetarë, media. Mbi një muaj ndiqimi publik në fshatin Hoçë e Vogël dhe Brestoc është jashtë funksionit. Në kohën e dimrit, kur ndiqimi është mëse i nevojshëm për fëmijët në rrugën kryesore, ka krijuar vështirësi. Kërkojmë nga Drejtoria e Shërbimeve Publike ta dijme se ku është problemi dhe kush e mban përgjegjësinë e mirëmbajtjes. Kolegu Fatoni, potencoi që edhe në fshatin Celinë nuk punon ndiqimi publik e që është shumë i nevojshëm për atë lokalitet. Çështja tjetër ka të bëjë me identifikimin e vendbanimeve, në fshatra nuk janë të identifikuar.

Rasim Fazliu – Faleminderit kryesues. Përshëndetje për juve, kryetarin e komunës, anëtarët e kuvendit komunal, drejtorat, mediat dhe të gjithë të pranishmit në sallë. Pyetja ime është rreth një kanali të rruga Fortesë – Celinë, si

do të vazhdojë të punohet, do të jetë kanal i hapur apo me gypa dhe kah do ta ketë rrjedhjen?... Pyetja e dytë, ka të bëjë rreth debatit të fundit rreth tatimit në pronë. Ne i dimë kompetencat dhe e dimë që ministria e financave e bën vlerësimin e pronës, ne si kuvend komunal e bëjmë koeficientin dhe deshta ta dij që a jemi të goditur edhe ne si komunë? A keni ndërmarrë diçka si kryetar i komunës rreth kësaj çështje, duke marrë parasysh ngritjen globale të çmimeve, ka qenë edhe covidi dhe i bie që njerëzit kanë pasur dhe vazhdojnë të jenë në situatë mjaftë të keqe.

Leonard Morina – Përshëndetje kryesues, kryetar, drejtorë të drejtorive, asambleistë. Së pari, e kam një vërejtje për juve kryesues, meqenëse materiali fizik nuk po na vie, ky material që po vjen online, zakonisht vjen 80% e materialit e kthyer mbrapa dhe nuk lexohet lehtë. Një pyetje e kam për drejtorin e kulturës, Afrimin. Në këtë dy vitet e fundit e kam parë që në disa fshatra janë rregulluar disa qendra sportive; Në Optrushë, Gexhe, Celinë, Zoqisht, Kramovik etj... Meqenëse projekti i Drejtorisë së Arsimit ka dështuar në shkollën tonë për rregullimin e fushës sportive, për shkak të operatorit të papërgjegjshëm dhe doja ta dija nëse ka projekt për një fushë sportive në Malësi të Vogël.

Kryesuesi – Faleminderit Leonard. Dikush tjetër?... Nëse jo, atëherë fjalën e ka kryetari për përgjigje.

Kryetari – Përshëndetje për kryesuesin, anëtarët e kuvendit, mediat, LMT-në, OSBE-në, nënkryetarin, drejtorët. Urime viti i ri 2023, shpresojmë të jetë vit i mbarë dhe i suksesshëm. Faleminderit për pyetjet. Burim Krasniqi ka kërkuar sqarime rreth një marrëveshjeje potenciale që ne me kryetarit e Federatës së Futbollit e kemi arritur për ngritjen e kapaciteteve të reja për KF. Rahovecin. Ata e kanë marrë përsipër që ne ta gjejmë një prone, t'ua japim në shfrytëzim KF. Rahovecit dhe pastaj sipas kriteteve që i posedon federata, të invesoj me mjete financiare në bashkëpunim me komunën për ndërtimin e një stadium me standarte të përshtatshme për superligë. E kemi gjetur një prone në Xërxë, një pjese të klubit, larg po u duket te Epopeja, larg në Xërxë, në qytet nuk po mundemi të gjejmë prone dhe në muajin shkurt do të provojmë edhe t'i adresohemi kuvendit që t'ia japim për 40 vite. Do të isha i lumtur nëse dikush ka ndonjë ide për ndonjë vend më afër, por nuk ka vende afër dhe mbetet që vendi më i përshtatshëm të jetë në Xërxë.

Burim Krasniqi – Meqenëse jemi në process të PZHK-së, kërkoj mirëkuptim, a jemi në atë rrugë që mund t'i bëjmë zgjidhje stadiumit?

Kryetari – Për momentin nga Ministria e Kulturës Rinisë dhe Sporteve nuk ka lëvizje para, ndërsa ne po përpiqemi për lëvizjen para që e kemi me rastin e shqyrtimit publik të PZHK-së. Shpresojmë që ne do ta kemi ndonjë kërkesë të ndonjë operatori privat, të provojmë që ta adresojmë nevojën dhe domosdoshmërinë e zgjerimit të zonës ndërtimore për zhvillim ekonomik. Do ta kemi edhe një takim me anëtarët e kuvendit me datë 8 shkurt (10 ditë përpara) parapërgatitje për betejën finale që anëtarët e kuvendit mund të kenë ide, kontaktet me qytetarë dhe me biznese të adresohen, para se të votohet në kuvend. Me 8 shkurt do të jetë vetëm një pikë e rendit të ditës që ka të bëjë me konsultimin për PZHK-në. Unë vazhdoj të insistoj që stadiumi duhet të bëhet në Rahovec, përkundër faktit që në bashkëpunim me FFK-në mund ta bëjmë një stadium tjetër në Xërxë. Kur ta kemi qartësinë me kod, me shkresë, me njoftim, finalizimin e PZHK-së atëherë na luftojmë për vend. Te kompenzimi i dëmeve, nga 540 fermerë të dëmtuar ose të prekur nga vërshimet (të merremi vesh, fillimisht komuna jonë është refuzuar), pastaj ne e kemi bërë një ankesë profesionale e cila e ka mundësuar rikthimin ose vendosjen e komunës tonë në rishqyrtim te komisioni shtetëror i ministrisë për dëme. Nga 540 fermerë të dëmtuar, 214 janë kualifikuar me rreth 795.000euro. 326 fermerë janë refuzuar. Kemi vazhduar me një ankesë tjetër, besoj që është e bazuar dhe në fillim të shkurtit të kemi një rezultat të ri. Po luftojmë edhe për 1.220.000 euro për aq sa mendojmë që iu takon. Në çoftëse dëmet kanë ndodhur me 17 shtator, diku me 25 ose 26 shtator ne i kemi dërguar raportet, por me 6 tetor nga Ministri Peci, është nënshkruar një udhëzim i ri administrativ, i cili ka ra në kundërshtim me raportet të cilat i kemi bërë. Po përpiqemi t'i akomodojmë kërkesat e reja që përshtaten me udhëzimin e ri administrativ sepse vullneti është, ndoshta mund të jetë edhe ndonjë përjashtim sepse ndoshta është dikush që e ka "tepruar". Shpresojmë që secili fermerë ta realizoj të drejtën e kompenzimit si të gjithë të tjerët nga komisioni shtetëror.

Burim Krasniqi – A i ka marrë parasysh qeveria komisionet e komunës, që e kanë bërë vlerësimin? E dyta, komuna a ka pasë takatë për ndonjë kompenzim?...

Kryetari – Komuna nuk ka kompenzuar, nuk ka kompetencë sepse nuk ka fond emergjent, jemi në fillim të vitit dhe të premtën është alokuar buxheti pasdite. Komuna për kompenzim nuk ka fuqi sepse bëhet fjalë për vlera financiare shumë të mëdha. Janë situata që besoj që duhet të definohen më mirë në të ardhmen. Edona Kryeziu rreth dritareve: Nuk besoj që mund të rregullohen nyjet sanitare pa ndonjë procedurë të prokurimit. Për ndërrimin e dritareve, besoj që sivjet do të kemi mundësi të bëjmë diçka. Sejfullah Sejfullahu sa i përket dëmeve, besoj që përgjigjen e more. Përrurimi i shkollës fillore është projekt i Ministrisë së Arsimit. Komuna është në statusin e vëzhguesit. Euroing-u e ka fituar kontratën dhe do të ishte mirë që përrurimi të ndodhë në vigjilie të 17 shkurtit.

Lirigzon Kastrati rreth ndriçimit publik: Edhe mua mu kanë drejtuar banorët e Hoçës Vogël që një segment i ndriçimit nuk funksionon, ndonjëherë problemi është te KEDS-i, ndonjëherë te disa sensorë. Qendra ka mbetur e patrajtuar me ndriçim publik siç kanë mbetur edhe disa vendbanime. Kontrata me operatorin ka përfunduar, kemi lidhur një kontratë të re (shërbime esco – fond SIloven). Këta e kanë për detyrë zgjerimin e ndriçimit (digjitalizimin) dhe mirëmbajtjen e tij. Rasim Fazliu, në detaje nuk jam i sigurtë, mund të të jep përgjigje edhe Berati, përndryshe qëllimi i atij kanali është të shkarkohet uji dhe të kullohen tokat. Te çështje e tatimit në pronë: E shfrytëzoj të drejtën në emër të gjithëve dhe mendoj që ndoshta në këtë fazë duke e parë aspektin ekonomik-social është më mirë të shfuqizohet vendimi i tatimit në pronë që është nënshkruar nga Ministri Murati. Rreth faljes së 100 eurove, kuvendet e komunës nuk falin tatim në pronë, falin taksa të ndryshme, qira. Tatimi në pronë është obligativ sepse ligji e thotë ashtu, nëse shkojmë me falje siç po flitet, atëherë 90% e qytetarëve nuk paguajnë sepse nuk u mbetet borxh më. Komuna jonë e ka normën më të ulët të tatimit në pronë 0.16%. Leonard Morina, rreth kontratës. Është e vërtetë që operatori e ka bërë punën keq, me operatorin në fjalë është ndërprerë kontrata dhe e kemi në plan që për Malësi të Vogël do ta bëjmë një fushë sportive me standarde më të mira.

3. Shqyrtimi dhe miratimi i Planit të Veprimit për Transparencë Komunale 2023-2027;

Skender Hamza – Faleminderit kryesues. Përshëndetje për kryetarin, nënkryetarin, drejtorat, kuvendarët. Kryetari i komunës me datë 13.10.2022 ka marrë vendim për formimin e grupit punues për hartimin e planit për transparencë komunale 2023-2027. Ky grup punues ka hartuar këtë plan, i cili ka dalur në diskutim publik (30 ditë në ueb-faqe të komunës). Me datë 16.11.2022 me qytetarë është mbajtur një konsultim publik. Udhëzimi administrativ nr.03/2022 për transparencë në komunë, përcakton obligimin që komunat ta hartojnë planin 4 vjeçarë të veprimit për transparencë duke ndërmarrë veprime konkrete në promovimin dhe ofrimin e transparencës së plotë për mbledhjet e kuvendit të komunës, mbledhjet e komiteteve, takimet publike, transparencë në shpenzim të buxhetit të komunës, çasja e shpejtë në shërbime elektronike, procedura transparente e punësimit, përditësimin e aktiviteteve ditore në faqen zyrtare të komunës. Objektivat kryesore të këtij plani janë: Të siguroj qeverisje të hapur për qytetarë, gjithëpërfshirje në procesin e planifikimit dhe zbatimit të politikave dhe qeverisje llogaridhënëse. Zbatimi i planit do të monitorohet në vazhdimësi me mekanizma përkatës dhe do të rishikohet periodikisht në përputhje me aktivitetet e komunës.

Kryesuesi – Faleminderit Skender, a ka dikush ndonjë gjë rreth këtij plani?... Nëse jo, atëherë po e vendosim në votim, kush është për?... Me shumicë unanime aprovohet Plani i Veprimit për Transparencë Komunale 2022-2027.

4. Shqyrtimi dhe miratimi i Planit Komunal të Veprimit për të Zhvendosurit dhe Zgjidhje të Qëndrueshme në Komunën e Rahovecit;

Lendrit Qeli – Faleminderit kryesues. Të nderuar kuvendarë, më lejoni që në emër të ZKKK-së t'ju prezantoj Planin Komunal të Veprimit për të Zhvendosurit 2023-2025. Ky dokument derivon nga strategjia për të zhvendosurit dhe kryesisht kemi të bëjmë me dy kategori të të kthyerve: Me kategorinë e zhvendosjes dhe të diasporës. Ky plan ka synim grupet e komunitetit joshumicë që ende janë jashtë republikës së Kosovës dhe i ka këto bjektiva kryesore: Ka për qëllim mbështetjen e personave që kanë dëshirë të kthimit në vendin e origjinës,

bashkëpunimin me Ministrinë për Komunitete dhe Kthim, ofrimin e strehimit dhe asistencës sociale, forcimit të menakizmave ekzistues, dialogu ndër-etnik për personat e zhvendosur në komunën pranuese. Vlen të theksohet që të gjitha obligimet financiare janë në kuadër të Ministrisë për Komunitete dhe Kthim dhe të Bashkimit European. Që ka viti 2009 deri më tani janë të trajtuara rreth 45 kërkesa, vetëm 5 prej tyre nuk kanë mundur të realizohen në mungesë të pronës. Rreth 111 anëtarë të kthyer deri më tani kanë gjetur mbështetjen në kuadër programit RRK5.

Kryesuesi – Faleminderit Lendrit. A ka dikush diçka për të thënë rreth kësaj pike?... Nëse jo, atëherë po e vendosim në votim, kush është për?... Me shumicë unanime aprovohet edhe Plani Komunal i Veprimit për të Zhvendosurit dhe zgjidhje të qëndrueshme në Komunën e Rahovecit.

5. Shqyrtimi Raportit Financiar për vitin 2022;

Afrim Limani – I nderuar kryesues, kryetar, nënkryetar, asambleistë. Për dallim prej viteve tjera, ky raport financiar vjetor është më i madh që i përfshin të gjitha aktivitetet dhe ngjarjet financiare që kanë ndodhur gjatë vitit 2022. Ky raport i ka kontratat e nënshkruara dhe obligimet financiare – kontraktuale të cilat janë të shprehura në mënyrë analoge. Të hyrat e rregullta për këtë vit janë 1.256.000 dhe nëse e krahasojmë me periudhën e njëjtë të vitit të kaluar e kemi një ndryshim pozitiv prej 84.000 euro. Shpenzimi i buxhetit për vitin 2022 të total është prej 15.650.000 (95.10%). Pozicioni i pagave 95.45%, Mallra dhe shërbile 99.67%, komunal 99.76%, subvencione dhe transfere 95.20%, kapitale 93.01%. Në fund, si obligime financiare kemi: Mallra dhe shërbime 285.440, komunal 55.475, subvencione 18.364, investime kapitale 1.483.159.

Burim Krasniqi – Faleminderit kryesues. Drejtor, faleminderit për raportin. Te të hyrat e planifikuara është qudi, ka realizim më pak sesa planifikim. Është interesant që në vazhdimësi kemi rënie të të hyrave për taksa për leje ndërtimi, ndërtim ka, kjo i bie që numri i ndërtimeve pa leje, apo çka është duke ndodhur?... Ka një diskrepancë në mes ndërtimit dhe lejeve që merren. Taksa për certifikata të lindjes janë paraparë 14.000, janë realizuar 3000 (planifikim shumë joreal). Taksa tjera administrative, janë paraparë 50.000 janë realizuar janë realizuar 28.000, 50% planifikimi është jasht asaj që është realizuar. Në bujqësi, ka të bëjë me subvencionimin në pajisje bujqësore që komuna e Rahovecit iu ka bërë bujqëve, 2021 ka qenë 20.000, në 2022 është bërë 100.000, a janë këto mjete bujqësore që janë paraparë në 2022, apo janë mjete bujqësore që janë ndarë në 2019-20-21 por që nuk iu keni dhënë, i keni mbajtur peng deri në 2022 dhe keni filluar t'i shpërndani duke e rritur participimin në bujqësi. Shërbimet e avokaturës vlerën totale e kanë kapur rreth 26.296 euro për 2022. Në anën tjetër kemi një rritje prej 16.000 në 35.000 të gjobave të gjykatave d.m.th prej 144 euro (2021) shërbimet e avokaturës janë rrit në kontratën e fundit 37.000. Në anën tjetër prej 16.000 që kanë qenë gjobat në 2021, këtë vit komuna i ka 35.271 euro gjoba prej gjykatës dhe nuk shihet ndonjë efekt përkundër shpenzimeve që kanë ndodh. Te çështja e shpenzimeve, mungojnë shpenzimet që kanë ardhur si rezultat i procedurave përmbarimore. Nuk e di a ka ndodhur përmes përmbarimit apo inspektoriatit, por arsimtarët e Opterushës dhe Krushës kanë marrë mjete prej komunës për shujta dhe udhëtim prej kontratës kolektive, këtu duhet të jetë shifra rreth 70.000 euro dhe te stafi i QKMF-së rreth 80.000 euro për shkak të punës jashtë orarit. D.m.th këto dy kategori nuk i pashë askund në raportin financiar. Në raportin financiar në tabelën 5.5, në faqen 31 thotë: Vlerat e mbetura të kontratës të papaguar, janë 17.532.879 (borxhe dhe kontrata të papaguara). Kjo nënkupton që në 2023-2024 dhe në gjysmën e 2025-tës nuk duhet të kemi kontrata të reja sepse përafërsisht aq është buxheti për investime kapitale përveç nëse kemi ndonjë grant specifik. E treta, është shqetësuese, kemi kontrata të papaguara të 2018-2019-tës. Këto janë total jashtë prokurimit sepse një kontratë sipas ligjit të prokurimit nuk mund të jetë më e gjatë se 3 vite. Te subvencionet, pa dashur të keqkuptohemi, Qemajl Krasniqi është zyrtar i komunës dhe po e shoh që komuna i ka mbetur edhe 900 euro borxh për subvencionim, cili është ky subvencion?. Një shqetësim tjetër, te korrigjimi i kontratave dhe në bazë të tabelave dhe materialit që na keni dhënë, del që të gjitha kontratat kanë korrigjim. Në faqe 18; Ndërtimi i sheshit qëndror, kontrata e lidhur me 14.12.2022 afati i zbatimit 30.07.2025 dhe vlera e kontratës 3.817.347 euro. Janë

paguar 180.000euro!. Cilat punë janë bërë në shesh që janë paguar këto mjete?. Avansin me ligj ndoshta mund ta shpjegosh, por 180.000 euro është vlerë e mirë sa i përket çmimit të kontratës në total.

Lirigzon Kastrati – Faleminderit kryesues. Pasiqë kam analizuar raportin financiar 2022, konstatoj se kemi një keqadministrim të buxhetit komunal në pjesën e të hyrave dhe shpenzimeve dhe veçanërisht te pjesa e kontratave të nënshkruara dhe obligimet që nuk janë paguar. Kërkoj nga ekzekutivi sqarim se cilat lloj të të hyrave komunale nuk ka mundur t'i realizoj sepse siç shihet nga paraqitja tabelare figuron shuma prej 92.000 euro e cila nuk mund të arkëtohet dhe çfarë masa konkrete do të ndërmerren në realizimin e tyre. Është shumë e nevojshme të sqaroheni se në cilat drejtime keni ngecje në arkëtimin e të hyrave komunale duke pasur parasysh që për këtë çështje keni marrë vërejtje nga auditori i jashtëm. Nga detyrimet, komuna është e obliguar rreth 11.000.000 duke lidhur kontrata me shumë operatorë. Mendoj që veprimi i tillë dëmton buxhetin e komunës dhe ka efekt direkt edhe te shërbimet e qytetarëve në përgjithësi. Çfarë ka ndodhur me kontratat e vitit 2020-2021 pasi që të njëjtat nuk figurojnë në këtë raport. Kjo ndoshta mund të jetë e ligjshme, por është e padrejtë për qytetarët që të presin me vite të tëra për përfundimin e një projekti që i shërben pikërisht atyre. Në lidhje me këto dua t'ju rikujtoj që auditori i jashtëm i ka gjetur disa të gjetura duke dhënë disa rekomandime. Nga e gjithë kjo gjendje, jam kundër keqmenaxhimit që po zë vend ndërvite në qeverisjen komunale.

Sejfullah Sejfullahu – Faleminderit kryesues. Te obligimet e taksave kur u përmend nga Lirigzoni, të cilin e ka shok, është mirë që ekzekutivi ka bërë tolerancë, sepse ka shumë qytetarë që nuk kanë mundësi t'i paguajnë taksat, ka afaristë që i kemi punët shumë keq, duke u nisur nga vetvetja, i pari jam që kam borxhe (taksë komunale) dhe i pari jam që shes pajisje me kilogramë që t'i paguaj taksat përmarimore. Afaristët në Rahovec që jemi në gjendje të keqe, jemi rreth 80% dhe është mirë që ka pak tolerancë sa i përket taksave.

Leonard Morina – Faleminiderit kryesues. I kam 2-3 pika që më kanë lënë përshtypje te raporti. Te tabela A, kodi 1370 për karburante për vetura, për vitin 2022 komuna ka shpenzuar 12.124 euro karburante dhe nëse e shikojmë i bie 1000 euro për muaj që nuk po më duket shumë, por ajo që më bëri përshtypje është që Zyra e Kryetarit 50% të këtij buxheti e ka shpenzuar në derivate me 5 drejtori tjera. A po iu kryen punët 5 drejtorive, apo po punon sa 5 drejtori, pse gjysmën e buxhetit të karburantëve e keni shpenzuar? Apo është ndonjë matematikë që ne nuk po e kuptojmë. Te tabela C, te kodi 13133 te Drejtoria e Arsimit, shpenzimet e tjera për udhëtime zyrtare, mesa e di unë janë disa kontrata për bartjen e nxënësve. Te raporti i obligimeve, te tabela 5.1 mallra dhe shërbime, rreth 90% nuk janë bërë pagesat për shkak të vitit fiskal, po e vërejtja që në qershor kanë ndodh obligimet dhe viti fiskal përfundon në dhjetor. Një pikë tjetër është te drejtoresha e Inspeksionit, është e vetmja që e ka realizuar punën 1781%, ka planifikuar 1000 euro dhe ka arritur t'i grumbulloj 17.000 euro.

Rasim Fazliu – Faleminiderit kryesues. Falënderoj edhe drejtorin e financave për një raport të mjaft të thukët. Janë bërë dy gabime të vogla pa qëllim, e kemi në faqen 4, shtylla e dytë, për mendimin tim duhet të jetë “gjobat e trafikut për vitin 2022” e këtu shkruan “gjobat nga e trafikut 2022”. Rubrika e tretë është ndyshimi 2022-2022. Faqe 6, e kemi tatimin në pronë, me një vend ndryshe, me një ndyshme, ka dallim në shifra te planifikimi dhe është mirë ta përmirësoni. Në çoftëse dalim te përqindja e realizimit të buxhetit për vitin 2022, buxheti është realizuar në mënyrën më të mirë të mundshme 97.19%. Një sqarim rreth këtyre kodeve ku shkruan “mirëmbajtja rutinore”? Drejtor, kemi disa kontrata të lidhura brenda vitit 2022, si psh: Instalimi i jashtëm i ujit, rrymës dhe kanalizimit në qerdhen për fëmijë në Krushë të Madhe, furnizimi me material shpenzues mjekësor për nevojat e QMF-së, furnizimi me karriga stomatologjike dhe ndërtimi i sheshit në qendër të qytetit. Ajo çka më intereson është te lidhja e kontratës psh: kontrata është lidhur 27.05.2022 dhe përfundon me 22.11.2022 i bie që këto kontrata janë kryer brenda vitit dhe po e shoh këtu prapë i keni mbet borxh. Pse kanë mbetur këto borxhe kur në buxhet të vitit 2021 për 2022 janë paraparë që këto kontrata të paguhen.

Kryetari – Faleminiderit. Është fakt që ne e kemi përmbushur planin e të hyrave, madje e kemi kaluar. Askush nuk e mohon faktin që kemi obligime kontraktuale, borxhe financiare dhe sfida tjera. Auditori na ka rekomanduar

t'i vazhdojmë sigurimin e ekzekutimit të kontratave për kontratat e skaduara dhe për operatorët që nuk i kanë përfunduar punët. Mos ta harrojmë faktin që ka qenë edhe pandemia dhe rritja e çmimeve ka krijuar vështirësi shtesë për komunën, operatorët dhe shtetin. Leonardi - Shumë karburantë po hargjon kryetari. Është e vërtetë që kryetari punon dhe punon më shumë se plotë kryetarë të komunave të Kosovës. Karburante i japim zjarrfikësve, organizatës së veteranëve të luftës, klubeve sportive, SHL-Kosovës, OJQ-ve të ndryshme kur kanë aktivitete etj... Të gjitha këto duke u bazuar në rritjen e çmimeve të karburantit. Rasimi e ngirit çështjen e borxheve. Kur kemi kontratat që kanë mbetur edhe pak pa u paguar e konsiderojmë pagesën me bartje të buxhetit. Mendoj që menaxhimi i buxhetit është bërë mirë dhe nuk po synojmë të themi në mënyrë perfekte sepse jemi duke i parë gabimet që po na tregojnë auditorët, kuvendi dhe qytetarët, prandaj jemi duke tentuar t'i mbulojmë dobësitë. Sa i përket transparencës buxhetore, sivjet jemi të parët në nivel vendi.

Rasim Fazliu – Unë e ceka që ka kontrata që janë të lidhura në vitin 2022, të njëjtin vit kanë përfunduar, por nuk janë paguar, pra i keni mbetur borxh. Gjithashtu obligimet janë gati 13 milion euro, vetëm 1 milion e diçka janë paguar. Tjerat jo dhe kjo është shqetësuese dhe problem për komunën.

Kryetari – Pikërisht, operatori e ka kryer punën, por nuk ka ardhë me faturë ta bëjë tërheqjen e parave. Normal që këto borgje ngelin sepse nuk kemi situacion për pagesë. Kemi kësi lloj situata shpesh, përndryshe të gjitha projektet ndër vite janë planifikuara me mbulueshmëri financiare nga komuna, pa e llogaritur që mund të marrim edhe mjete shtesë nga qeveria. Shpresoj që nuk do të kemi situata problematika të veprimeve përmbarimore që do të na dëmtonin pozicionin e projekteve në komunën tonë.

Leonard Morina – Nuk thash që ka hargjuar kryetari buxhet shumë, por më bëri përshtypje që Zyra e Kryetarit e ka hargjuar 50% të buxhetit dhe më bëri të kuptoj që ndoshta ka diçka në mes të rreshtave. Kryetari e sqaroi, faleminderit kryetar.

Bejtullah Deliu - Faleminderit kryesues, kryetar, zëvendës, drejtor, të pranishëm. Kryetar, deshta të ndërlihem me sqarimin që e dhatë në pyetjet e parashtruara në atë se ju nuk i bëni pagesë të punës pa e përfunduar punën. Paraprakisht të sheshi qëndror 180.000 euro janë paguar ende pa e filluar punën, mos është kontrakti sqarimi juaj?... Te mallra dhe shërbimet kodi 13401 / Shërbimet e arsimit dhe trajnimit – huamarrja, për vitin 2021 janë shpenzuar 10.602 euro, në 2022 asnjë cent. A thu që arsimi nuk ka nevoj për trajnime dhe është stabilizuar mjashtueshëm apo si qëndron puna?...

Kryetari – Pyetjes së parë, Bejtullah, po i përgjigjem shkurt, avansi është diçka tjetër i bazuar në ligj, ndërsa punën e pakryera kur ekziston kontrata nuk mund t'i paguajmë pa situacion. Ne e kemi dhënë avansin sepse kemi rrezikuar që ato para të shkojnë në suficit në qeveri. Me bazë ligjore ia kemi dhënë kontraktuesit të sheshit, si dhe për dy shkolla tjera, aneksin në Ratkoc dhe shkollën në Xërxe.

Burim Krasniqi – Pajtohna plotësisht me Bejtullahun të çështja e avanseve. Tabela 5.5, ndërtimi i qerdhes në Ratkoc janë diku edhe 91.000 euro të papaguar të kontratës. Zgjerimi i ndriçimit në Rahovec, kontratë e 2019-tës janë edhe 206.000 obligime të papaguara d.m.th. këto janë kontrata që e kanë kaluar afatin ligjor 3 vjeqare, nuk janë paguar borxhet, por është dhënë avansi.

Kryetari – Në çoftëse ne kemi para në shesh, duhet ta marrim vendimin e kuvendit që ti bartim diku tjetër apo jo, po quditna se Burimi e din shumë mirë se çka po them. Prej sheshit qëndror nuk mund t'ia japim ndriçimit publik sepse kontrata për sheshin qëndror është lidhur me 14 dhjetor, ndërsa kontrata për ndriçimin publik është lidhur në 2019-tën. Me 23 dhjetor mbyllet viti edhe mënyra më e mirë si t'i shpëtojmë këto para ka qenë që t'ia japim avans.

Kryesuesi – Vazhdojmë me pauzë deri në ora 13:15 ...

6. Shqyrtimi dhe miratimi i plotësim-ndryshimit të Rregullores për Taksa Komunale 01 Nr.80/20 të datës 28.06.2020, e ndryshuar dhe plotësuar me Rregulloren 01 Nr. 169/21 të datës 26.02.2021;

Afrim Oruqi - Faleminderit kryesues, të nderuar anëtarë të kuvendit. Bëhet fjalë për nenin 17 në rregullore për taksa dhe tarifa, paragrafi 7. Shuma që është në rregulloren për taksa dhe tarifa në vlerë prej 600 euro,

zëvendësohet në 500. Neni 17 i rregullores bazike pas pikës 8 shtohet pika 9 me tekstin si në vijim; Dhënia e vërtetimit për taksë afariste, taksa 5 euro. Bëhet fjalë për shërbim të ri në ofrimin e vërtetimit për taksë afariste. Neni 5. Bëhet fjalë për nenin 20 në rregullore për taksa dhe tarifa, pra rregullorja bazike pas fjalës “tokë” i shtohet fjala “pronë”. Neni 6. Neni 21 paragrafi 1 i rregullores nr.0899 shuma prej 500 euro zëvendësohet në shumën prej 1 000euro. Neni 7. Neni 24 paragrafi 1 i rregullores riformulohet me takstin si në vijim; Vërtetimet sipas PZHK-së – lloji i destinimeve të tokave të tjera, ky është formulim që i përshtatet akteve tjera që kanë fuqi më të lart sesa rregullorja. Neni 8. Neni 28 i rregullores bazike ndryshohet dhe plotësohet. Do t’i lexoj vetëm udhëzimet që mos marrim kohë t’i lexojmë shërbimet. Bëhet fjalë për UA të Ministrisë së Mjedisit me nr. 11/19 për ndarjen e ndërtesave dhe pjesave të ndërtesës, me nr. 12/10 për ndarjen dhe regjistrimin e parcelës, UA me nr. 09-2020 për tarifën e shërbimeve për regjistrimin e të drejtave të pronës, bëhet fjalë për UA 05-2021 për ndryshimin dhe plotësimin e UA nr. 09-2020. Pra, të gjitha këto udhëzime që i përmendëm specifikojnë saktë shërbimet dhe shumën e pagesës. Vazhdojmë me nenin 9. Neni 28 paragrafi 1, pika 8 dhe 9 të rregullores bazike; Shuma 3 euro, zëvendësohet me shumën 3 euro për metër katror, bëhet fjalë për shërbimin dhe shumën e njejtë, prej menakizmave kompetent është kërkuar që te rubrika që parashihet çmimin, të shtohet edhe metri katror. Neni 10. Neni 29 paragrafi 2 i rregullores bazike ndryshohet dhe riformulohet si në vijim; Bëhet fjalë për shërbimet që i ofron drejtorja e shërbimeve publike për reklamën e vendosura në shtyllat e ndriçimit publik deri në 1m katror (2 euro copa), në hapësirë tokësore deri në 4m katror me taksë vjetore në vlerë prej 100 euro, taksa vjetore në vlerë prej 200 euro është kur reklama është deri në 12 metra katror. Bilbordat në hapësirë tokësore deri në 15 metra katror është vlera 300 euro viti. Vendosja e transparentëve reklamues, taksë mujore 15 euro dhe vendosja e shpalljeve dhe publikimeve është taksa vjetore 25 euro. Neni 11. Neni 31 paragrafi 1 i rregullores bazike, pas pikës 25 shtohet pika 26 me këtë tekst; Vendosja e shtyllave elektrike, taksë prej 10 euro. Neni 12. Neni 34 i rregullores bazike pas paragrafit 4, shtohet paragrafi 5 me këtë tekst; Lirohen nga taksa e vlerësimit për dëmet në bujqësi nga komisioni, personat fizik dhe juridik në raste të fatkeqësive natyrore. Neni 13. Bëhet fjalë për nenin 36 të rregullores për taksa dhe tarifa, paragrafi 1, pika 3 e rregullores bazike, riformulohet me këtë tekst; Kërkesa për plotësimin e kushteve minimale higjieniko-teknike për subjekte afariste. Neni 36 paragrafi 1, pika 7,8,9 fshihen nga teksti bazik i rregullores për taksa komunale, bëhet fjalë për shërbime që kanë kaluar në kompetencën e AVUK-ut. Neni 14. Neni 38 paragrafi 1 i rregullores bazike pas pikës 8, shtohet pika 9 me këtë tekst; Dhënia e vërtetimit, referencat për OJQ-të që ushtrojnë veprimtari në komunën e Rahovecit, taksa 2 euro është vlerë e re në rregullore. Vazhdojmë me nenin 15, bëhet fjalë për nenin 41 i rregullores bazike, pas paragrafit 2 shtohet paragrafi 3 me tekstin si në vijim; Ndaj çdo subjekti afarist i cili nuk i përfill procedurat kundërvajtëse do të zhvillohet procedura përmbarimore. Neni 16 është neni i parafundit, pas miratimit nga kuvendi i komunës, ndryshimi dhe plotësimi i rregullores për taksa komunale do të jetë pjesë e tekstit bazik të rregullores në fuqi. Neni 17 propozimi hyn në fuqi menjëherë pas nënshkrimit. Ftoj anëtarët e kuvendit që pas shqyrtimit të këtyre propozim-ndryshimeve që burojnë nga udhëzimet administrative të ministrive përkatëse t’i votoni propozimet dhe ndryshimet në rregulloren e re.

Kryesuesi – Faleminiderit drejtor, a ka dikush diçka në lidhje me këtë pikë të rendit të ditës?... Nëse jo, atëherë po e vendosim në votim, kush është për?... Me shumicë unanime, bashkë me përmirësimet teknike votohet pika e gjashtë.

7. Shqyrtimi dhe miratimi i propozim-vendimit për shpalljen me interes të përgjithshëm publik P-01240-0 në zonën kadastrale Retijë;

Afrim Oruqi – Në mbështetje të ligjeve në fuqi, kryetari i komunës ju propozon shpalljen me interes të përgjithshëm të parcelës me nr. 1240-0 në zonën kadastrale në Retijë (23 ari e 12 metra katror, kulturë – kullosë e klasit të dytë). Qëllimi është rreth inicimit të procedurave për shpronësim të parcelës, kjo parcelë menaxhohet prej

AKP-së dhe zyra e kryetarit ka pranuar një kërkesë nga këshilli i fshtatit Retijë për inicim të procedurave për ta kthyer në pronësi të komunës.

Kryesuesi – Faleminiderit drejtor. A ka dikush prej anëtarëve të kuvendit ndonjë pyetje rreth kësaj pike?... Nëse jo, atëherë po e vendosim në votim, kush është për?... Me shumicë unanime aprovohet edhe pika e shtatë.

8. Shqyrtimi i raportit për zbatimin e rekomandimeve të auditorit të përgjithshëm sipas Planit të Veprimit për vitin 2022;

Afrim Limani – Përshëndetje edhe një herë. Rreth raportit financiar që u ngritën disa pyetje; Burimi ngriti disa pyetje, rreth planifikimit d.m.th johanminizimi. Në raport të hyrat totale kanë rritje rreth 92.000, mirëpo në të hyrat e rregullta inkasimi është 94%, kemi zvogëlim sepse ka ndikuar tatimi në pronë apo vendimi i kryeministrit për heqjen e kushtëzimit me rastin e regjistrimit të veturave. Te certifikatat e lindjes janë disa kode që regjistrohen të hyrat, planifikimin e kemi bërë në mënyrë të rregullt dhe përafërsisht ka dalë ashtu. Te shpenzimet përmbartimore janë kryesisht aty që lidhen me kontratën kolektive. Te obligimet kontraktuale, nuk jemi rasisht komuna në vend të parë sa i përket transparencës buxhetore sepse të gjitha ngjarjet dhe aktivitetet janë të përfshiera në këtë raport financiar. Vlera e kontratave të lidhura është 26.280.000 euro d.m.th mbetje kanë mbetur edhe 17.532 euro. Në kuadër të obligimeve kontraktuale, 1.2 milion janë mallra dhe shërbime, 596.000 janë subvencione kur i zbresim këto, obligimet kontraktuale mbesin 15.729.000 euro. Pagesa për ndërtimin e sheshit, realisht aty nuk janë 160.000 por përafërsisht 150.000. E kemi bërë pagesën sepse ligji i prokurimit në nëntor 10% në dhjetor 5%. Këto mjete kanë qenë nga granti dhe shumë mirë kemi bërë sepse mjetet në fjalë kanë qenë të rrezikuara të shkojnë në suficit. Te subvencionet për z. Qemajlin, kryetari si çdo kë tjetër edhe Qemajlin e ka subvencionuar për botimin e një libri, nuk kemi mundur t'ia bëjmë pagesën edhe pse mjetet kanë qenë, por janë disa procedura që duhet të regjistrohen me sistem në të cilin ka vonesa.

Burim Krasniqi – Faktikisht sipas asaj që the te investimet i kemi 15 milion obligime, në KAB për tri vite 2023-24-25 janë rreth 20 milion dhe the që na stabilizojnë mirë financiarisht. A nënkupton kjo që në 2023-24-25 nuk bën komuna të shpallë më shumë se 5 milion kontrata, që ta bëjmë balancimin financiar. Po flasim si investim për tri vitet e ardhshme.

Afrim Limani – Faleminiderit shumë për pyetje dhe konsideroj që është me vend. Në fillim thash që obligimet kontraktuale aktualisht janë 15.7 milion, këto obligime vetëm me buxhetin e vitit 2023-2024 mbulohen, përveç buxhetit të vitit 2025 që e kemi 7 milion dhe për këtë arsye e kemi stabilitetin financiar, duke e ditur që granti çdo vit rritet me një përqindje të konsiderueshme.

Kalojmë në pikën e zbatimeve e zbatimit të rekomandimeve të auditorit; Siç jeni në dijeni edhe ju pasqyrat financiare për vitin 2022 kanë rezultuar me 14 rekomandime. Pas pranimit të raportit, ne si qeveri komunale me vendim të kryetarit e kemi formuar një komision për zbatimin e këtyre rekomandimeve dhe kemi mbajtur takime të shumta. Në bazë të veprimeve, konsiderojmë që 7 rekomandime janë zbatuar dhe 7 të tjera pjesësisht dhe janë në process të zbatimit.

Bejtullah Deliu – Përshëndetje i nderuar kryesues, desha të ndalem tek çështja e vonesave në realizimin e projekteve. Kontrata për rregullimin e shtretërve dhe lumenjve që është lidhur me 6 dhjetor 2018 dhe ka përfunduar me 61% të realizimit në 2021. Për këto tre vite që nuk është kryer ky projekt dhe vërshimet që kanë qenë, a ndjeheni si komunë fajtores, sepse ka mundur të ketë më pak vërshime nëse punët kishin përfunduar me kohë. Një kontratë tjetër për pastrim dhe mirëmbajtje higjienike me ftesë njëburimore rreth 50.000 euro, pse është lidhur në këtë formë, ndoshta ka mundur të menaxhohet më ndryshe.

Kryetari – Kontrata për pastrues ka skaduar, ndërkohë kontrata e re nuk është lidhur për shkak të vonesave në procedura dhe mungesa e OSHP-së. Ne e kemi kërkuar një leje prej Autoritetit Qëndror të Prokurimit, që ta zhvillojmë një kontratë me negocim për disa muaj. Kjo është e gjetur e auditorit edhe pse veprimi ynë ka qenë ligjor sepse në raste të veçanta kemi të drejtë për kontrata me negocim. Pse kanë mbetur pa u kryer punët?... Kam

folur shumë herë për këtë temë, kanë mbetur sepse janë rritur çmimet dhe kanë shkaktuar ngecje, madje në disa komuna janë pezulluar të gjitha kontratat e vjetra për shkak të çmimit. Në shtator kemi pas përmbytje, por mos harroni që në janar jo, sepse kanë vazhduar punimet në pastrim të kanaleve të shumta, duke e zvogëluar shumë potencialin e vërshimeve të mundshme në të ardhmen. Rreth 6 milion kemi kontrata për trajtim të shtretërve dhe përroje problematik. Sa i përket rekomandimeve të auditorit, këtë të gjetur e kemi marrë shumë seriozisht dhe kemi filluar t'i planifikojmë mjetet në mënyrë që kontratat të kenë mbulueshmëri financiare. Zbatimi i kontratave dhe koha e zbatimit të tyre varen edhe nga 2-3 faktorë të tjerë të jashtëm. Unë nuk jam njeri që e përfaqësoj konceptin e ankesave, po janë shumë para që hargjohen dhe duhet të gjejmë mekanizma që ta rrisim mbështetjen për projekte të tilla, në mënyrë që të evitohet maksimalisht rrezikun nga vërshimet. Granti do të rritet dhe besoj që ne do të marrim projekte nga Ministria e Administrimit të Pushtetit Lokal, Ministria e Zhvillimit Rajonal dhe nga ministritë e caktuara, ku do të kemi mundësi ta shfrytëzojmë mundësinë për projekte të reja dhe ta stabilizojmë shlyerjen e obligimeve që janë në proces.

Bejtullah Deliu – Faleminiderit kryetar, më mirëkuptove saktë. Pyetja ime ishte shumë direkte. Në 2018, kur është lidhur kontrata është paraparë buxheti dhe puna dinamike e asaj pune, tani gjatë fjalimit e cekët që tani pas punës tonë, vërshimet janë më të pakta. Vetëm deshta të kthehem që prej 2018-2021 nuk po qëndron ajo që çmimet kanë qenë të larta, por dinamikat e punës është dashur të rrjedhin siç janë paraparë me plan-projekt dhe kjo gjendje që ka ndodhur tani “me më pak vërshime” ka mundur të ndodh edhe në 2018-2019-2021. Pyetja ime ishte se a ndiheni fajtor që kjo kontratë nuk ka mund të zbatohet në përpikmëri? ...

Kryetari – Fatkeqësitë natyrore mund t'ia ngarkojmë edhe vetes, por vetëm për përgjegjësi morale. Përgjegjësi për planin institucional kanë institucionet qëndrore dhe agjencitë sepse nëse i kishim pritë qeveritë se kur kanë pasur plan të investojnë në përroi në Fortesë, në Drinin e Bardhë, përroin në Ratkoc, në Xërxe e në Krushe, ne sot ende do të ishim mbi vërshime dhe duke u marrur me dëme. Ne kemi vepru si Komunë, qeveritë e kaluara nuk na kanë ndihmuar, as kjo e sotit, shumë e thjeshtë.

Ne sipas kërkesës dhe kriterëve të MAPL-së për grant të performancës duhet ta shqyrtojmë raportin e adresimit të rekomandimeve dhe luftojmë që në fund të kemi opinion të pakualifikuar, opinion ky i cili do të na binte 2 milion euro për vitin 2022. Mendoj që ka qenë veprim jo i drejtë dhe tendencioz sepse të gjitha dokumentet kanë shkuar së pari për t'u filtruar në Ministrinë e Financave që udhëhiqet nga Hekuran Murati. Kodet kanë qenë të lejuara nga ata dhe i bie që me gabimet e tyre, jemi dënuar ne me opinion të kualifikuar. Ndërsa raporti i vitit 2022 jam i bindur që do të jetë i pakualifikuar dhe në të gjitha parametrat do të jemi të parët ose të dytët.

Lirigzon Kastrati – Faleminiderit kryesues. Uroj që komuna do t'i zbatojë të gjitha rekomandimet. Nëse më lejohet, desha të ndërlihem te çështja e shtretërve të lumenjve. E potencove shtratin e lumit që i lidhë pesë fshatra. Vitin e kaluar 60.000 euro janë ndarë, a keni bërë diçka me ato mjete?...

Kryetari – Jo, sepse operatori nuk ka pasë vullnet për punë, ka qenë aneks memorandum.

Burim Krasniqi – Faleminiderit, rreth raportit mbi zbatimin e rekomandimeve. Kur po flas, kuptomni drejt, jo në kuptimin e gjykimit por në kuptimin e asaj që kemi rezultate më të mira herave tjera. Te çështja A2, përdorimi joadekuat i procedurës së prokurimit, keni thënë që është i zbatuar. Këtu ka të bëjë me kontratat e negociuara. Unë prej E-prokurimit i kam pa rreth 10 kontrata të negociuara në komunën e Rahovecit në 2022. Ndërtimi i rrugëve dhe këndeve rekreative - lagjeve të komuniteteve, kontrata e lidhur me 15.12.2022 me procedurë të negociuar pa publikim të njoftimit të kontratës. Izolimi i objekteve të zjarrfikësve, Ndërtimi i infrastrukturës për aktivitete kulturore në Dejn etj... Çështjen e kontratave të pambuluara financiarisht e diskutuam gjatë, por besoj që stabiliteti financiar do t'iu bëjë vendin e duhur. Te zotimi i mjeteve jo sipas procedurave financiare, thotë: Pjesërisht i zbatuar, pse pjesërisht i zbatuar? Është qëllimi që raporti mos të jetë i kualifikuar, nuk është gjykim sepse ka shumë tema që nuk pajtohem, por kjo është me rendësi për të gjithë qytetarët. Te çështja C1, pagesa shtesë 30% në mungesë të shtimit të pozicionit, pjesërisht e zbatuar, te 2022 është dashur të jetë e zbatuar dhe jo pjesërisht,

sepse është kontrata, është shtuar 30%-shi, vetëm duhet shtuar numri i punëtorëve dhe bëhet zbatimi i plotë. Procedura e alokimit të mjeteve nuk mund të jetë pjesërisht e zbatuar, duhet të jetë e zbatuar sepse procedurë, nuk është diçka që të mbanë peng gjithë kohën.

Kryetari – Kontrata me shtretërit është rekomandim i zbatuar dhe këtu është një gabim teknik total, sepse ajo ka vlerë deri në prill 2022 dhe nuk ka më kontratë të re të asaj natyre. Çështja e kontratave të negociuara, iu tregova cilat janë lidhur në pandemi, diçka për furnizime. Tani punët shtesë quhen kontrata me negocim. Në këtë drejtim, ne jemi duke luftuar ti ikim punëve shtesë sepse duhet më shumë të angazhohemi më shumë në projekte më të detajizuara. Te zotimi i mjeteve, pjesërisht e zbatuar, po, sepse ne kemi procedura të cilat fare nuk janë në planin vjetor të prokurimit. Supozojmë sot na thirr Ministri i Pushtetit Lokal dhe thotë merre një projekt, ne këtë rast ne nuk e kemi planifikuar, nuk kemi zotuar mjete, projekti po vjen “qyl”. Pra, të gjitha këto gjëra i kemi sqaruar me auditorë. Opinioni i pakualifikuar është luftë, jo vetëm për prestigj, por është edhe mundësi e mirë për përfitime të shumta që mund t’i kenë qytetarët.

Kryesuesi – Faleminderit kryetar, atëherë po e kalojmë këtë pike dhe kalojmë te pika e nëntë.

9. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-05864-0;

Afrim Oruqi – Faleminiderit kryesues. Të nderuar anëtarë të kuvendit, e kam një propozim për ju. Janë gjashtë pika sot, që e kanë tematikën e njejtë për formimin e komisioneve për t’i dhënë me qera këto parcela. Ligji e kërkon që paraprakisht për secilën parcelë të formojmë nga një komision, i cili do t’i zhvillojë procedurat për vlerësimin e ofertave. Nëse jeni të pajtimit unë i prezentoj gjashtë në një pako. Sipas zyrës ligjore në MAPL, i njejtë asambleist mund të përfshihet në disa komisione.

Kryesuesi – Drejtor, e prezanton secilin vendim dhe gjatë prezantimit i përfshijmë edhe emrat e të deleguarve.

Afrim Oruqi – Sipas ligjeve të aplikueshme të Kosovës, para jush keni vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës, bëhet fjalë për zonën kadastrale në Rahovec P-05864-0 (20 ari – shfrytëzim 10 vite).

Kryesuesi – Atëherë i ftoj grupet e asambleistëve që ta japin një propozim, mund të shkojmë me rotacion dhe të kemi mirëkuptim mes grupeve. Armir Vuçitërna dhe Doruntina Sopjani nuk mund të marrin pjesë, sepse janë në komision për ankesa, gjithë të tjerët po.

Hasan Përboqi – Në emër të grupit të AAK-së, propozojmë asambleistin Feriz Thaqi.

Leonard Morina – LVV për këtë pike nuk ka propozim.

Edona Kryeziu – LDK propozon Lirigzon Kastratin.

Sejfullah Sefullah – PDK propozon Melinda Iska – Oruqin.

Kryesuesi – Nëse kemi më shumë se dy propozime, duhet t’i vendosim në votim. I kemi 3 propozime; Feriz Thaqi (AAK), Lirigzon Kastrati (LDK) dhe Melinda Iska (PDK).

Kush është për Ferizi? ... Lirigzon Kastratin? ... Melinda Oruqin? ... Atëherë, Feriz Thaqi dhe Melinda Ouriqi me nga 16 vota “për” janë pjesë e komisionit, Lirigzon Kastrati 9 vota.

10. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-07111-1;

Afrim Oruqi - Sipas ligjeve të aplikueshme të Kosovës, para jush keni vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës, bëhet fjalë për zonën kadastrale në Rahovec P- 07111-1 (88 ari e 10 metra katror).

Kryesuesi – Faleminiderit drejtor.

Hasan Përboqi – AAK për këtë komision e propozon përsëri Feriz Thaqin.

Leonard Morina – LVV nuk ka propozim.

Edona Kryeziu – LDK nuk ka propozim.

Melinda Iska – PDK propozon Sejfullah Sejfullahun.

Kryesuesi – Atëherë, dy përfaqësues nga kuvendi i komunës për këtë komision janë; Feriz Thaqi dhe Sejfullah Sejfullahu. E vendosim në votim pikën e nëntë e rendit të ditës. Kush është për?... Atëherë po 19 vota aprovohet. Vazhdojmë me pikën e dhjetë, kush është për?... Me 20 vota “për” miratohet edhe kjo pikë.

11. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-00251-0;

Afrim Oruqi – Faleminderit kryesues. Sipas ligjeve të aplikueshme të Kosovës, para jush keni vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës, bëhet fjalë për zonën kadastrale në Çifllak me nr. P-00251-0 (11 ha, 42 ari e 30 metra katror)

Kryesuesi – Faleminderit drejtor.

Hasan Përboqi – AAK propozon Valmir Gashin.

Leonard Morina – LVV nuk ka propozim.

Edona Kryeziu – LDK gjithashtu nuk ka propozim.

Sejfullah Sefullahu – PDK propozon Melinda Iska Oruqin.

Kryesuesi – Atëherë po e vendosim në votim edhe këtë pikë të rendit të ditës, me të deleguarit prej kuvendit komunal, Valmir Gashi (AAK) dhe Melinda Oruqi (PDK). Kush është për?... Me shumicë unanime miratohet edhe kjo pikë e rendit të ditës.

12. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-03710-0;

Afrim Oruqi – Faleminderit kryesues, bëhet fjalë për zonën kadastrale në Rahovec (6 ari e 16 metra katror), P-03710-0. Ftoj anëtarët e kuvendit që t'i propozojnë anëtarët e komisionit.

Kryesuesi – Faleminderit drejtor.

Hasan Përboqi – AAK, nuk kemi propozim.

Leonard Morina – LVV, propozon Sinan Kryeziun.

Edonë Kryeziu – LDK, nuk kemi propozim.

Melinda Oruqi – PDK, propozon Sejfullah Sejfullahun.

Kryesuesi – Atëherë dy anëtarë të deleguar nga kuvendi për këtë komision Sinan Kryeziu dhe Sejfullah Sejfullahu. Si të tillë po e vendosim në votim, kush është “për” ?... Me shumicë unanime aprovohet edhe pika e 12-të e rendit të ditës.

13. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-03818-0 dhe P-03819-0;

Afrim Oruqi - Faleminderit kryesues. Sipas ligjeve të aplikueshme të Kosovës, para jush keni vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës, bëhet fjalë për zonën kadastrale në Rahovec P-03818-0 dhe P-03819-0, parcela e parë i ka 31 ari 96 metra katror, e dyta 11 ari e 59 metra katror.

Kryesuesi – Faleminiderit drejtor.

Hasan Përboqi – AAK, propozojmë Drilon Mustafën.

Leonard Morina – LVV, nuk kemi propozim.

Edonë Kryeziu – LDK, propozojmë z. Eqrem Spahiun.

Melinda Oruqi – PDK, nuk ka propozim.

Kryesuesi – Faleminiderit për mirëkuptim. Atëherë dy të deleguar për këtë komision janë Drilon Mustafa dhe Eqrem Spahiu. Po e vendosim në votim si të tillë, kush është “për”?... Me shumicë unanime aprovohet edhe pika e 13-të e rendi të ditës.

14. Shqyrtimi dhe miratimi i vendimit për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës P-02352-0;

Afrim Oruqi - Faleminderit kryesues, është vendimi i fundit dhe para jush keni vendimin për formimin e komisionit për zbatimin e procedurave dhe vlerësimin e ofertave të dhënies në shfrytëzim të pronës së paluajtshme të komunës, bëhet fjalë për zonën kadastrale në Rahovec, P-02352-0 (48 ari e 47 metra katror).

Kryesuesi – Faleminderit drejtor.

Hasan Përboqi – AAK, e propozojmë asambleistin Afrim Berisha.

Leonard Morina – LVV, propozojmë Sinan Kryeziun.

Edonë Kryeziu – LDK, propozojmë Faton Ramadanin.

Sejfullah Sejfullahu – PDK, propozojmë znj. Melinda Iska.

Kryesuesi – Atëherë, meqenëse i kemi 4 propozime, po i vendosim në votim. Afrim Berisha-është i propozuari i parë?... Sinan Kryeziu?... Faton Ramadanin?... Melinda Oruqin?... Atëherë Afrim Berisha me 20 vota dhe Sinan Kryeziu me 16 për, janë anëtarë nga kuvendi i komunës në këtë komision. Me këtë përbërje po e vendosim në votim, kush është për?... Me shumicë votash aprovohet edhe pika e 14-të.

15. Shqyrtimi i Raportit të Punës së Kuvendit për vitin 2022;

Kryesuesi – Fillimisht, kisha kërkuar nga shefat e grupeve që t'i njoftojnë anëtarët e tyre të kuvendit që çdo mungesë e paarsyeshme dhe pa nënshkrim në listën e fundit të seancës, do t'i ndalet mëditja, sepse është e vetmja formë që ngrit përgjegjësinë.

Dimë që Kuvendi Komunal funksionon në bazë të Ligjit për Vetëqeverisje Lokale, Statutit të Komunës, Rregulloren e Punës së Kuvendit dhe Planin e Punës. Kuvendi i Komunës dhe Kryetari i Komunës janë organet kryesore të komunës, të dyja zgjidhen veç e veç me vota të drejtpërdrejta të qytetarëve. Qëllimi i Raportit të Punës së Kuvendit për vitin 2022 është që të krijojmë një pasqyrim të qartë për qytetarët lidhur me aktivitetet e të zgjedhurve të tyre, duke rritur transparencën dhe llogaridhënien. Në fillim të mandatit, kuvendi krijon dy komitete obligative, Komitetin për Politikë dhe Financa dhe Komitetin për Komunitete dhe sipas nevojës krijon edhe komitete të konsultative dhe të tjera. KPF në periudhën janar-dhjetor 2022 ka mbajtur gjithsej 11 mbledhje, Komiteti për Komunitete ka mbajtur gjithsej 6 mbledhje të rregullta. Mbledhjet e Kuvendit kanë qenë 17, prej tyre 12 seanca të rregullta (100 vendime, 2 rregullore, 9 plane, 1 statut dhe 1 program, gjithnjë në monitorim të vazhdueshëm nga MEDIA-t, OSBE, SHL-Kosova, KFOR-i, OJQ-të, dhe MAPL), në muajin shkurt 1 seancë komemorative, në mars 1 seancë solemne, në qershor, tetor dhe dhjetor poashtu nga 1 seancë solemne. Në përgjithësi Kuvendi i Komunës së Rahovecit ka miratur 128 akte. Prej 100 vendimeve (do t'i veçoja tre prej tyre; Themelimi i çmimit “Ukshin Hoti”, miratimi i kornizës afatmesme buxhetore 2023-2025, si dhe vendimin për miratimin e buxhetit për 2023), secili prej tyre është përcjellur në MAPL për ligjshmëri. Janë shqyrtuar 71 vendime, prej tyre 8 janë kthyer dhe si kuvend komunal jemi të obliguar t'i shqyrtojmë sipas rekomandimeve të MAPL-së. Raporti i dedikohet të zgjedhurve, qytetarëve, monitoruesve dhe publikut të gjërë. Mirëpresim kontributin e secilin përmes vërejtjeve, këshillave, plotësimeve apo dobësive eventuale, duke i bërë bashkërisht përmirësimet e nevojshme.

Sejfullah Sejfullahu – Faleminderit kryesues, më pëlqeve që e permende shpalljen e vendimit “Ukshin Hoti”. Jam kureshtar ta di, a jemi ne legjislatura më e mirë se ajo e kaluara!

Kryesuesi – Besoj që Kuvendi Komunal për vitin kalendarik 2022 ka funksionuar në mënyrë shumë të drejtë dhe në frymën e duhur.

Buim Krasniqi – Faleminderit kryesues. Raporti nuk ka faqe (numra rendor), do të ishte mirë t'i kishte. Në faqe 19^{te} tabela përmbledhëse është një gabim teknik, është periudha janar-dhjetor 2022, jo 2023.

Rasim Fazliu – Faleminderit kryesues. Nuk pata ndërmend të flas, faleminderit për motivimin. Po e ndërlidhi me arsim. Një ditë erdhi një inspektor i arsimit në orë, për ta parë sesi po e mban orën mësimore mësimdhënësi, (ta zëmë që mësimdhënësi isha unë). Në atë moment nxënësve iu thash t'i nxjerrin librat për t'i lexuar, gati përfundoi oraduke iu thënë, lexo ti, lexo ti. Inspektori në fund tha: Zotëri edhe një “qoban i bagëtive” e din këtë mënyrë për ta përfunduar orën mësimore. Në rregull jemi, kalova me një vërejtje. Kjo i bie që anëtar i kuvendit nuk do të thotë që e kryen detyrën e tij, nëse vijnë pikat e rendit të ditës, e ngrit dorën edhe kryehet seanca. Mendoj që çdo anëtar i kuvendit duhet ta jep një kontribut të veçantë në diskutimin e pikave të rendit të ditës. Aktiviteti dhe kontributi i të gjithë kuvendarëve që kanë qenë aktiv është i pasyqyruar dhe për këtë flasin procesverbalet.

Kryesuesi – Faleminderit Rasim Fazliu. Po e plotësoj pak veten në raportin për vitin 2022. Falenderoj ekzekutivin përbashkëpunimin dhe raportimin, çoftë ligjor apo me vullnet. Këshillën e Rasim Fazliut ia vlenë ta marrim si inkurajim edhe për anëtarët tjerë që nuk kanë marrë pjesë në diskutime, ta kryejnë përgjegjësinë që e kanë. Falenderoj poashtu edhe Sekretarinë e Kuvendit për punën e palodhur që e bëjnë për gjatë tërë vitit.

Hasan Përboqi – E kam një kritikë dhe një kërkesë. Kritika për ju është që shkoi viti dhe nuk e kemi të paktën një fotografi zyrtare. Kërkesa ka të bëjë me atë që mund ta realizojmë brenda vitit, te pjesa e mureve në sallën e kuvendit si kujtim të shënohen emrat e asamblesitëve që kanë qenë nëpër legjislatura.

Sejfullah Sejfullahu – Edhe unë e kam një kritikë dhe një kërkesë për kryetarin. Të na dërgoni edhe neve me ndonjë trajnim pune ose hulumtim. Prizreni ka shkuar në vizitë hulumtuese edhe pse janë me nivel më të ulët në krahasim me asamblenë tonë.

16. Shqyrtimi i Raportit të Punës të Këshillit të fshatit Hoçë e Madhe për vitin 2022;

Senad Mullaavda – Përshëndetje për kryesuesin, kryetarin, nënkryetarin, drejtorët, të pranishmit. Këshilli i fshatit funksionon në bazë të ligjit Nr 03L039/2008 për zonat e veçanta të mbrojtura. Procesi i zgjedhjes së anëtarëve është bërë në kuvend me datë 31.05.2022. Me atë vendim është formuar këshilli i fshatit me 5 anëtarë. Janë mbajtur gjithsej 6 mbledhje, 4 kanë qenë të rregullta, 1 konstituive dhe 1 urgjente. Në fund i falënderoj të gjithë për kontributin e dhënë.

17. Shqyrtimi i Informatës rreth aktiviteteve të KKS-së për vitin 2022;

Kryetari – Faleminderit shumë. Informatën e keni para vetes. Ne e kemi përmbushur planin e takimeve për 2022. Mekanizmi i KKS-së është i rëndësishëm. Është dominuar tema e pandemisë, vlerësimi i sigurisë së përgjithshme në komunë, lirimi i hapësirave publike – trotuarëve, shkelësit e ligjit, uzurpimet. Në këtë mekanizëm marrin pjesë OJQ-të, policia, bizneset, përfaqësuesit e FSK-së, përfaqësuesit e bashkësive fetare. Për 2023 do të jenë dy pika standart për trajtim në çdo takim. Rrjedha e lumenjve në komunën tonë dhe Siguria rreth ushqimeve.

18. Shqyrtimi i Raportit të Punës së Komitetit për Komunitete për vitin 2022;

Bajram Morina – Faleminderit kryesues. Përshëndetje për kryetarin, drejtorët e drejtorive dhe të gjithë kuvendarët. Në kuadër të Komitetit për Komunitete e kemi bërë realizimin e planit të punës në plotni. Kemi mbajtur vizita në terren, komunikim të vazhdueshëm me të gjitha drejtoritë dhe me Zyrën për Komunitete dhe Kthim, për të gjitha adresimet që kanë të bëjnë me komunitetin joshumicë në komunën tonë. Para vetes e keni materialin dhe mbesim me shpresë për vazhdimin e komunikimit të përbashkët konstruktiv. Faleminderit.

19. Shqyrtimi i Raportit të Punës së Komitetit për Shëndetësi dhe Përkujdesje Sociale për vitin 2022;

Vlora Vuçiterna Çmega – Përshëndetje për të gjithë. I nderuar kryetar, nënkryetar, kryesues i kuvendit, drejtorë të drejtorive, kolegë asambleistë. Ky raport është për periudhën shtator 2022 – dhjetor 2022. Komiteti për Shëndetësi dhe Përkujdesje Sociale është themeluar me vendimin e kuvendit të komunës me nr 326/22 i datës 31 maj 2022. Kryesuese jam unë (LVV), Shukrije Himaj (AAK), Lirigzon Kastrati (LDK), Armir Vuçiterna (PDK) dhe Edmond Kabashi (Ekspert i jashtëm). Komiteti ka mbajtur gjithsej 3 takime të rregullta, e para me 16 shtator,

e dyta me 28 tetor dhe mbledhja e tretë me datë 25 dhjetor 2022. Komiteti, duke pasur parasysh kërkesat e institucioneve të vizituara gjatë kësaj periudhe tre mujore, i propozon Drejtorisë për Shëndetësi dhe Përkujdesje Sociale që t'i ketë si rekomandime kërkesat, me qëllim të plotësimit të nevojave duke reflektuar pozitivisht edhe në ofrimin e shërbimeve për qytetarë.

Burim Krasniqi – Besoj që komisionet e kanë rolin e vet edhe pse kanë qenë në funksion për një periudhë të shkurtër. Në këtë rast Komiteti për Shëndetësi i ndihmon Drejtorinë për Shëndetësi, ndoshta zyrtarët përgjegjës janë të gatshëm të japin më shumë informata dhe të njëjtit ta ndihmojnë drejtorinë për të qenë më e kompletuar në shërbime shëndetësore dhe sociale. Te QPS-ja dhe mungesa e stafit profesional. Kryetar, ndoshta nuk është adekuate por përafrohet, në Drejtorinë për Bujqësi e keni të angazhuar në punë një sociologe dhe më e arsyeshme do të ishte nëse ajo punon në QPS ose në Drejtori të Arsimit. Ia mundëson ta kryj punën, të avancohet profesionalisht gjithashtu. Kërkoj që, nëse nuk mund ta keni me punë të rregullt, aty ku janë shërbimet e veçanta, të shihen mundësitë e kompletimit të këtij stafi.

Kryetari – Besoj që jeni të informuar që QPS është e dëmtuar në kuadro sepse ka sfida, Bylbyl Oruqi ka dhënë dorëheqje, Edmond Kabashi gjithashtu, dikush tjetër ka dalur në pension edhe e kemi pas të bllokuar konkurset deri në vitin 2022. Kuadrot po përpiqemi t'i mbajmë, por po na ikin nëpër gjithë Kosovën. Informata me rekomandime që ka dhënë Komiteti për Shëndetësi është mjaftë e dobishme.

Lirigzon Kastrati – Faleminderit kryesues, ekzekutiv, kolegë anëtarë. Kryesuesja e paraqiti raportin për aq sa kemi pasur mundësi ta kryejmë punën. E kemi diskutuar që këtyre qendrave të ndihshme, si grup i asambleistave në të ardhmen duhet patjetër t'u ofrojmë përkrahje pa dallime partiake. Këto ambulancat të cilat janë jashtë funksionit, së paku duhet ta bëjnë një punë me reduktime (dy herë në javë – vizita).

20. Shqyrtimi i Raportit të Punës së Komitetit për Arsim për vitin 2022;

Fahrije Lushi Morina – Faleminderit kryesues. I nderuar kryetar, këshilltarë, drejtorë të drejtorive, gjithë të pranishëm. Komiteti për Arsim është themeluar në periudhën e fundit (4 mujin e fundit të vitit) dhe ka përbërje prej 5 anëtarëve. Fahrije Lushi Morina (LDK), Ellma Hamza (PDK), Leonard Morina (LVV), Alban Bajraktari (AAK), Xhevdet Morina (ekspert i arsimit). Kemi mbajtur gjithsej 3 mbledhje. E para është mbajtur më 16 shtator 2022 (zgjedhja e kryesueses), mbledhja e dytë më 14 tetor 2022 (përpilimi i listave të shkollave për vizitë), mbledhja e tretë 21 nëntor 2022 (kemi trajtuar temat rreth nivelit të shkollimit të komunitetit RAE - bullizmi). Synimi i Komitetit për Arsim ka qenë që të marrim nga afër shqetësimet dhe vështirësitë që hasin nxënësit dhe mësimmëdhënësit gjatë procesit të mësimmëdhënies dhe mësimmnxënies. Kemi marrë parasysh edhe shkallën e arritshmërisë në shkollat e komunës sonë. Kemi arritur të realizojmë takime në 7 shkolla. Në shkollën e mesme "12 Maji" – Ratkoc, në shkollën fillore e mesme e ulët "Mustafë Ibishi" – Kramovik, në shkollën fillore e mesme e ulët "Hamëz Thaqi – Xërxë, në shkollën e mesme "Ukshin Hoti" – Krushë e Madhe, në shkollën fillore e mesme e ulët "Isa Boletini" – Rahovec, në shkollën fillore e mesme e ulët "Gëzim Hamza – Piktari" – Rahovec dhe në shkollën fillore e mesme e ulët "Lidhja e Prizrenit" – Opterushë. Në përgjithësi në të gjitha shkollat, shqetësuese ka qenë rënie e numrit të nxënësve, gjendja e nyjeve sanitare, gjithashtu edhe dukuritë tjerë si bullizmi, incidentet, mungesa e sigurisë dhe dhuna në shkolla. Një rekomandim i veçantë nga drejtori i shkollës "Gëzim Hamza" dhe shkon për DKA-në dhe kryetarin e komunës, që nxënësve t'u ofrohet një objekt i ri shkollor.


Kryesuesi – Po më vie shumë mirë që këto dy komitetet tjera po funksionojnë dhe i inkurajoj për më shumë produktivitet në të ardhmen.

Kryetari – Faleminderit Fahrije Lushi, jam dakort me të gjeturat. Funksioni i këtyre komiteve është rekomandim që mund t'i adresohen në këtë rast DKA-së dhe Drejtorisë, Shëndetësi dhe Përkujdesje Sociale dhe gjithsesi edhe kuvendit për raportim. Më bëri përshtypje që drejtori i shkollës "Gëzim Hamza" ka kërkuar objekt të ri. Nuk ka kërkuar objekt të ri, por hapësirë për fushë sportive - oborr dhe bëhet fjalë për një pronë (20 ari) e cila duhet të trajtohet në kuvend.

Në plan e kemi të gjitha shkollat t'i fusim në eficiencë dhe sa i përket funksionimit të mjediseve fizike në shkolla, me ndihmën e Fondit të Kosovës për Eficiencë me Energji dhe pak si komunë. Faleminderit shumë Fahrije dhe Vlorë, si dhe ju inkurajojë të formoni edhe ndonjë komitet tjetër.

Kryesuesi – Faleminderit kryetar. Atëherë me përfundimit e kësaj pike, po përfundon edhe seanca e parë e rregullt për këtë vit kalendarik. Lista e nënshkrimeve është këtu. Mirëmbetshi.

Procesmbajtësi:


Albion Krasniqi

